

ՍԻՐԻԱՅԱՅ ԿՐԹԱԿԱՆ ՀԱՍՏԱՏՈՒԹԻՒՆՆԵՐԸ
1920-1980թթ.

Սիրիահայ համայնքը իր ողջ գոյութեան ընթացքում ստեղծել է կրթադաս-տիարակչական հիմնարկութիւնների լայն ցանց, որը վկայում էր սիրիահայու-թեան կրթասիրութեան եւ կենսունակութեան մասին:

Ա. Աշխարհամարտից յետոյ Կիլիկիայի հայ տարագիրները հաւատալով անգլիական եւ Ֆրանսական իշխանութիւնների խոստումներին, վերադառնում են հայրենիք:

Հալէպը, որ Սիրիայի երկրորդ մեծ քաղաքն էր համարւում, դարձել էր տարագիր հայութեան կազմակերպման երեք կենտրոններից մէկը, եւ վերոյի-շեալ թուականներին արդէն գրաւուել էր Անգլիական բանակի կողմից: Նախկին թրքական գօրակայանները արդէն վերածուել էին գաղթակայանների, սակայն, բացի այս, դրսում՝ դաշտերում ու վրաններում ապրողները սպասում էին իրենց մեկնումի օրուանը: Սիրիայում հայերի տեղաբաշխումը միատարր էր: Ընդունուած իրողութիւն էր, որ շուրջ 90 առ հարիւրը համախմբուած են եղել Հալէպում. իսկ մնացեալը՝ գլխաւորաբար Սիրիայի այլ շրջաններում:

Հալէպ էին խուժում Միջագետքից, Սիրիայի ներքին շրջաններից եւ Պաղեստինից: 1918-1924թթ. Հալէպում համախմբուող հայ ազգաբնակչութեան թուաքանակը հաշւում էր 100-125 հազար հոգի: Սակայն ծննդավայր վերադարձողների շարժման պատճառով երկար տասնամեակներ Հալէպում հայ բնակչութեան թիւը 50-60 հազար էր:

Հակառակ գաղթականների մէկ մասի մեկնումին, հայի կեանքը շարունա-կւում էր քեմբերում: Քեմբերում կեանքը տեւում է երկար տարիներ (մինչեւ 1935թ.), ոչ միայն Սիրիայում, այլ Լիբանանում եւ Յունաստանում:

Հանրային կեանքը, որը համարուել էր անդամալուծուած Հալէպում եւ այլ շրջաններում, բացարձակ գոյութիւն է դառնում անգլիացիների գրումից անմիջապէս յետոյ: Գաղթակայաններում տեղադրուած 50 հազարից աւելի որբերի խնամքը յանձնուել էր հայրենակցական զանազան միութիւնների: Այլատեսակ բարքերով ու սովորութիւններով, զանազան լեզուներ խօսող,

տարիքի լայն աստիճանաւորումով՝ (5-18 տարեկան) որբերի ղեկավարման եւ կազմակերպման գործը հեշտ չէր ընթանում, որքանոցը այս առումով պէտք է կատարէր դերը կրթարանի եւ արհեստանոցի: Բայց մայրենի լեզուի չիմացութիւնը ընդհանրացած երեւոյթ էր, որքանոցների, դասաւանդութիւնը կատարւում էր շատ նախնական ծելով, ընդհանրապէս ուժ էր տրւում արհեստների:

Սիրիայի հայկական առաջին դպրոցը հիմնուել է, ժե. դարի առաջին կեսին. Դալէպում, Ս. Քառասնից Մանկանց եկեղեցուն կից յայտնի «Դպրատուն» եւ «Դասատուն» անուններով: 1876ին: Դպրոցը անուանակոչուել է Ազգ. Ներսէսեան վարժարան: Ունեցել է երեք ենթամաս՝ ծաղկոց, երկսեռ մանկապարտէզ-արական եւ իգական դասարաններ¹: 1920ին միացել է Աւետարանական եկեղեցու Դայկազեան վարժարանին եւ վերանուանուել «Ազգ. Դայկազեան երկսեռ վարժարան»: Դպրոցին կից 1904թ. հիմնուել է մանկապարտէզ:

Դամասկոսում հիմնուել է «Ազգ. Թարգմանչաց» դպրոցը 1898ին. ընդհատումներով գործել է մինչեւ 1915թ.: Վերաբացուել է 1922ին²: Դամասկոսում նոյնպէս հիմնուել է Դայ Կաթողիկէ Ս. Գրիգոր Լուսաւորիչ արական վարժարանը, 1863ին: Դամանուն վարժարանի իգական բաժանմունքը՝ 1922թ.: Աւելի ուշ, 1954թ. Դամասկոսում հիմնուել է «Սահակեան վարժարանը», որը պատկանում էր ԴԲԸՄիութեան: 1929ին «Ազգ. Միացեալ վարժարան»ը, իսկ 1937-1938 ուսումնական տարեշրջանում հիմնել են մանկապարտէզն ու նախակրթարանը³, որը հետագայում ստացել է «Զաւարեան վարժարան» անունը:

Բ. Աշխարհամարտի տարիներին վարժարանը դադարել է գործելուց եւ վերաբացուել 1951ին: Աշակերտների թուաքանակի նուազեցման պատճառով փակուել է եւ 1979ին կրկին վերաբացուել, բայց միացուել է Ազգ. Միացեալ վարժարանին:

Ի. դար քսանական թուականներին հայ տարագիրները, արդէն, սկսել էին հիմնադրել իրենց առաջին դպրոցները: Կեանքի կայունացման հետեւանքով՝ 1928-1929թթ. Դալէպում գործում էին 8 դպրոց, իսկ մնացեալ քաղաքներում 34

¹ «Օշական» Պարբերաթերթ Ազգ. Առաջնորդարանի, Դալէպ, ԺԱ. տարի, թիւ 1-2/33-34, Յունիս 1988, էջ 39-40.

² «Օշական» Պարբերաթերթ ԺԲ. տարի թիւ 1-2/35-36/ Սեպտեմբեր-Յոկտեմբեր 1989, էջ 44-45.

³ «Օշական» նոյն տեղում էջ 46.

դպրոցներ՝ Առաքելական, Աւետարանական եւ Կաթողիկէ համայնքներին պատկանող, ուր սովորում էին շուրջ 6523 երեխաներ⁴:

Արհաւիրքի օրերին յառաջ եկած հայրենակցական միութիւնները իրենց նիւթական մեծ նպաստների կողքին չէին զլացել առաջին դպրոցների ձեռնարկումներին, մասնաւորաբար գաղթակայաններում: Երեխաների կրթութեամբ զբաղուել են երեք յարանուանութիւնների առաջնորդարանները:

Քննարկուող ժամանակաշրջանում տարբեր յարանուանութիւնների կամ հայրենակցական միութիւնների կողմից ղեկավարուող հաստատութիւններ՝ միջնակարգերկրորդական դպրոցներ, արդէն, գործում էին Զալէպում, Քեսապում, Դամասկոսում, Դոմսում եւ այլ շրջաններում: 1924-1925թթ. միայն Զալէպում գործում էին 10 Առաքելական, 5 Աւետարանական եւ 4 Կաթողիկէ համայնքներին պատկանող վարժարաններ⁵:

Վիճակագրական ցուցակէն երեւում է, թէ Սիրիահայ վարժարանները ընդհանրապէս համայնական են եղել, որոնց ղեկավարութիւնը պատկանել է տարբեր կուսակցութիւնների ու կազմակերպութիւնների: Այդ դպրոցների թւում էին պատկանում հայոց ազգային վարժարանները, որոնք ենթակայ էին Առաքելական համայնքին. հայ Կաթողիկէ եւ հայ Աւետարանական համայնքներինը, ԶԲԸՄիութեան վարժարանները: Որոշ դպրոցներ ոչ համայնական, այլ կուսակցական միութիւնների հովանաւորութիւնն էին վայելում. Ռամկավար Ազատական եւ հնչակեան կուսակցութեանց խնամակալութեան ներքոյ:

1920-ական թուականներին գոյութիւն է ունեցել գիշերային բաժնի լսարաններ, անհատական նախաձեռնութեամբ, ուր դասաւանդել են տարրական գիտելիքներ⁶:

Սիրիայի հայ ազգային վարժարանները բնոյթով ծխական են եղել, այսինքն իւրաքանչիւր ազգային վարժարան սկզբունքով կապուած է եղել հայ առաքելական եկեղեցւոյ թեմում եւ գտնուում է նրան հովանաւորութեան ներքոյ: Ուսումնադաստիարակչական հարցերով ազգային վարժարանները ենթակայ են եղել թեմական ուսումնական խորհրդի: Ուսումնական խորհրդի պարտականու-

⁴ Տե՛ս «Սուրիական Ալպոմ» Գ. տարի, 1929, Զալէպ, թիւ 3.

⁵ Թովմազյան Խ. Զ «Սիրիայի եւ Լիբանանի Զայկական Գաղթօջախի Պատմութիւն», Երեւան, 1986 էջ 274-275-276.

⁶ «Զայաստանի Կոչնակ» ԻԸ. տարի, օգոստոս 11-1928, թիւ 32, էջ 11-19.

թիւնների մէջ են մտել դպրոցների համար կանոնագրերի եւ ծրագիրների կազմումն ու նրանց գործադրումը. նաեւ դրա համապատասխան դասագրքերի հրատարակումը: Խորհրդի իրաւասութեան սահմանների մէջ է եղել, կրթական գործերով անմիջական կապ հաստատել թաղական խորհրդների, վարժարանների հոգաբարձութեանց հետ: Նաեւ կրթադաստիարակչական հարցում համապատասխանաբար ենթարկում էին համայնքներում գործող միութիւնների եւ կուսակցութիւններին:

Սիրիայի բոլոր հայկական դպրոցներում գործադրում է Սիրիայի պետական կրթական ծրագիրը, իսկ քննութիւնները համապատասխանում են պետական քննութիւններին: Վարժարաններէն ներս պետական ծրագրին զուգահեռ դասաւանդում է Հայոց Լեզուն՝ նպատակ ունենալով երեխաներին ջամբել հայեցի դաստիարակութիւն «Տղաքը ընդհանրապէս Կիլիկեցի, թրքախօս ծնողների էին պատկանում եւ հայերէն խօսիլ սովորում էին վարժարանում»⁷:

Սինչեւ քառասունական թուականների կեսը հայերէնից յետոյ նախապատուութիւն էր տրուել Ֆրանսերէնին: Ֆրանսերէնը գաղութային իշխանութիւնների կողմից սահմանուած պետական պաշտօնական լեզուն էր հռչակուել նախնական, միջնակարգ եւ բարձրագոյն կարգերի: 1925թ. Հալէպում Ազգային ուսումնական խորհրդի պատրաստած կրթական ծրագրում, նոյնպէս նախապատուութիւն էին տուել Ֆրանսերէնին⁸: «Սուրիական Մամուլ»ը «Սորվինք Տեղական Լեզուն» յօդուածում քննադատում է այն, որ Սիրիայի հայ վարժարանները արաբերէնին չեն տուել այն տեղը, որը իրաւունք ունէր եւ որը պահանջում էր մեր շահն իսկ»⁹:

1929թ. Սիրիայի հիւսիս-արեւելեան գաւառներում սկիզբ է առնում գաղթականների նոր հոսք մեծ մասամբ քրտախօս հայերէ: Սրանք ապաստան գտնելով Գամիշլիի շրջակայքում ծնունդ են տուել 25ից անէլի աւանների ու ծխական դպրոցների, որոնք գոյատեւել են մինչեւ հայրենադարձութիւն՝ 1946թ.:

⁷ «Մերձաւոր եւ Միջին Արեւելքի Երկիրներ եւ Ժողովուրդներ», 2. հատոր, Երեւան, 1970թ. էջ 255.

⁸ 1918թ. Հոկտեմբեր, յատուկ հրամանագրով բոլոր դպրոցներում թուրքերէնի 30 դասաժամերի 8-14 տրամադրուում էր Ֆրանսերէնի. համաձայն տեղական պայմաններին, քանզի 1919թ. աւարտական քննութեանց ժամանակ հիմնական լեզուն Ֆրանսերէն է եղել. իսկ արաբերէնը դառնում է օժանդակ լեզու. համահաւասար անգլերէնի, յունարէնի, Իտալերէնի եւ հայերէնի:

⁹ «Սուրիական Մամուլ», 8-Մարտ-1925..

Ֆրանսական պետական ծրագրի կիրարկումով նախակրթարանի երկսեռ աշակերտութիւնը ամեն տարուան աւարտին մասնակցում էր «սերթիՖիք»ի քննութեան. տեղի էր ունենում բաւականին խիստ հսկողութիւն բարձր գոմիսարութեան հովանաւորութեամբ: Յիսունական թուականների աւարտին փոխարինում է արաբական «սերթիՖիք»ով, իսկ 1959ից յետոյ այս օրէնքը վերանում է: Գաղութի տեղաշարժերը, պառակտումների դարձանումը եւ նիւթական միջոցների տնտեսումի անհրաժեշտութիւնը պատճառ են եղել, որ ժամանակի ընթացքում դպրոցներից շատեր սկսուեն անհետանալ, ուրիշներ կորիզը դառնան արդի վարժարաններին:

Բ. Աշխարհամարտի տարիներն եւ յատկապէս քառասունական թուականների կեսերին գաղութի վերաշխուժացմանը պատճառաւ նորեկները ձեռնարկում են դպրոցական ցանցի վերակազմութեան: Այս գործում խթանող ուժը դառնում է Հալէպում Ազգ. Առաջնորդարանը, որը երկար խորհրդածութենէ ու լուրջ աշխատանքից յետոյ 1947ին յաջողւում է բաց անել գաղութի առաջին միջնակարգ-երկրորդական վարժարանը՝ Քարէն Եփփէ Ազգ. Ճեմարանը: Սա նշանակում էր, որ յետայսու հայ առաքելական եկեղեցւոյ զաւակները կարողանում էին նոյն յարկում ստանալ պետական եւ հայկական իրենց դաստիարակութիւնը, այլ խօսքով նրանք ձերբազատուում էին օտար վարժարաններ կամ օտար ափեր ճամբորդելէ: Երեւոյթը վարակիչ կը լինի եւ 1950-1960ական թթ. գաղութը օժտուում է երկու այլ երկրորդական վարժարաններով Լազար Նաճարեան Գալուստ Կիւլպէնկեան եւ Կիլիկեան¹⁰:

Բ. Աշխարհամարտի տարիներին անընդհատ աւելանում էր սովորողների քանակը եւ համայնքներ մեծ գումարներ յատկացնում են տարեց-տարի աճող պիւտճէն ծածկելու, հակառակ այն իրողութեան որ «1939-1941թթ. կրթական յարկերը մատուցել էին տնտեսական տագնապի»¹¹:

1944թ. կրթական տարեշրջանում հայ Առաքելական եկեղեցւոյ Բերիոյ եւ Դամասկոսի թեմերու պիւտճէն հաշւում էր 356,850ս.ո եթէ աւելացնենք հայ

¹⁰ Լազար Նաճարեան Գալուստ Կիւլպէնկեանի նախակրթարանը հիմնուել է 1952թ.: 1960ից յետոյ միջնակարգ եւ երկրորդական բաժանումքը: Կիլիկեան ճեմարանը 1921ից գոյութիւն է ունեցել, որպէս տարրական. իսկ 1960թ. օծ-տըւում է երկրորդական բաժանումքով: «Օշական» Պարպերաթերթ, ԺԱ. կարի, թիւ 1-2/33-34/ Յունուար-Յունիս, 1988թ., Հալէպ, էջ 36.

¹¹ «Հայաստանի Կոչնակ» խե. տարի, թիւ 50, 15-Դեկտեմբեր-1945թ., էջ 1164.

կաթողիկե եւ հայ Աւետարանական եկեղեցւոյ պիւտճէն հասնում է 400,000ս.ո.¹²: 1953-1954թթ. սիրիահայ առաքելական եկեղեցւոյ պատկանող կրթօճախների թիւն էր 48, շուրջ 7400 աշակերտութեամբ¹³: Իսկ 1947-1948 տարեշրջանում Հալէպում եւ շրջակայքում կրթօճախների թիւը 41 էր շուրջ 6,560 աշակերտներով¹⁴: Հալէպում գործող հայ կաթողիկե համայնքի ութ վարժարաններից բացի Գամիշլիում, Հասիչէում, Տէրպէսիւմ, Քեսապում եւ այլուր գործում էին համանուն համայնքի պատկանող օճախներ: Սակայն այս վարժարաններում հայ աշակերտների կողքին արբախօս քրիստոնեայ երեխաների ներկայութիւնը ստուար թիւ էր կազմել:

1950-1960ական թթ. ազգային կրթական ճակատը տագնապալից տարիներ ապրեց: Սիրիայի կրթական նախարարութեան կողմից առաքուած հրամանագիրը մտահոգել էր ղեկավարութիւնը¹⁵: Մինչեւ 1940ական թթ. կեսերը դպրոցներում հիմնական շէշտը դրուել էր հայոց լեզուի եւ հայագիտական առարկաների վրայ: Արաբերէն լեզուի ուսուցումը հայկական կրթօճախներում նախնական էր եւ ոչ պարտադիր: Հայագիտական առարկաների ցուցակին մաս էին կազմում հայոց պատմութիւնը, աշխարհագրութիւնը, եկեղեցու պատմութիւնը, մաթեմատիկան եւ այլ նիւթեր: Նոր օրէնքը շէշտում էր արաբերէն լեզուի ուսուցման ու ընդհանրացման կարեւորութիւնը մասնաւոր դպրոցներում: Օրէնքը միտում էր համայնքային դպրոցների վերահսկողութեանն ու տնօրինմանը՝ «Կրթական նախարարութիւնը որոշել է ուսումնական, առողջապահական եւ մանկավարժական հսկողութեան տակ առնել բոլոր մասնաւոր դպրոցները, կրթական քննիչները պետական վարժարանների նման քննութիւն պիտի անցկացնեն վերոյիշեալ վարժարանների մէջ»¹⁶: Սահմանուած օրէնքով պետական պաշտօններից եւ համալսարանական կրթութիւնից զրկուած էին բոլոր նրանք, ովքեր վկայուել էին օտար եւ մասնաւոր

¹² Եղիայեան Բիւզանդ «Սերունդի մը Դաստիարակութիւնը», Անթիլիաս, 1962, էջ 120.

¹³ Տե՛ս «Ամենուն Տարեգիրք» 1955, էջ 360.

¹⁴ «Արեւելք» տարեգիրք, Հալէպ, 1948, էջ 157-158.

¹⁵ Բերիոյ Թեմի Ազգ. Առաջնորդարանի Թղթածրար /Դարան Դ., գործ 71, 7- Ապիս-1953 թուակիր մամակի արաբեր-րէն պատճեն, առաքուած կրթութեան նախարարութեան կողմից.

¹⁶ «Արեւելք» օրաթերթ 10 Հոկտեմբեր 1946, թիւ 92, էջ ք.

վարժարաններում»¹⁷: «Համալսարանական թեքնիք ուսման պայմանը արաբական պաշալոքիայի պահանջն էր, ինչ որ պահանջում էր հայկական դպրոցների ուսման ծրագրի հիմնական փոփոխություն»։ Հակառակ պարտադրանքին՝ 40ական թթ. վերջերում կառավարությունը անյապաղ միջոցներ է ձեռնարկում հայ համայնքի դպրոցների բարելավման համար¹⁸:

1952-1967թթ. ազգային կրթական ճակատի վիճակուել էր դիմագրավել նորանոր տագնապներ: Օրենքի ամբողջական գործադրությունը նշանակում էր վերջ տալ համայնքային վարժարաններին խաթարել հայի դիմագիծը եւ խափանել հայապահպանման աշխատանքները: Այլ խօսքով՝ օրենքը միտում էր համայնքային վարժարանների փակում, երկսեռ կրթութեան արգելում, դասանիւթերի ճշդում եւ արաբերէն լեզուի պարտադիր ուսուցում¹⁹: Արտօնուում էր օտար լեզուի դասաւորման դրութիւն: Տարուած աշխատանքների շնորհիւ, պետական շրջանակների մօտ, 1952ի ամրան մեր վարժարանները ստանում են նոր արտօնագիր, որի համաձայն Հալէպի Հայ Առաքելական համայնքի 15 վարժարաններից 11-ի պատասխանատու արտօնատէր է նշանակուել Թեմիս Ս. Առաքնորդը, երեքը՝ ՀԲԸ Միութեան, իսկ Կիլիկեան 2 վարժարանները՝ ենթակայ Կիլիկեան Միութեան: Նաեւ «այս հրամանագրի մէկ յօդուածի համաձայն, հայերէնը օտար լեզու չէր նկատուեր, այլ տեղւոյն մէկ համայնքի գործածական լեզուն, որով կ'աղօթեն անոնք»²⁰:

Սիրիա-Եգիպտոս միացման թուականներին կառավարութեան կողմից առաջուած թիւ 933-7 շրջաբերականը սահմանափակում էր մասնաւոր, ոչ պաշտօնական վարժարանների ինքնական գործունէութիւնը²¹: Մասնաւոր

¹⁷ «Արեւելք» օրաթերթ 24 Յունիս 1947 թիւ 27/334/ էջ ք.

¹⁸ «Արեւելք» օրաթերթ 25 Յունիս 1946 եւ «Հայաստանի Կոչնակ» խղ. տարի, 11 Սեպտեմբեր 1948, թիւ 37, էջ 880.

¹⁹ Զուլագեան Յակոբ, «Յուշամատենան» Զարէն Եփփէ Ազգ. Ծննարանի, Հալէպ 1977, էջ 99.

²⁰ Տեղեկագիր «Սուրիահայ կրթական Կեանքի Մասին» 1955էն-1956 դպրոցական տարեշրջանի. Բերիոյ Թ. Ա. Ա. Թղծ./Ղարան Դ., գործ 69/ թերթ 2.

²¹ 11-Մարտ 1959, թիւ 20 որոշմնագրով հրահանգուել էր թիւ 160 օրենքի մասին, որը թիւ /993-7/ շրջաբերականով տեղեկացնում էր մասնաւոր վարժարանների պատասխանատու մարմիններին պետական ծրագրի իրագործմանը, ընդհանրացմանը ոչ պաշտօնական վարժարաններում: Միաժամանակ թոյլատրուում էր մասնաւոր ծրագրի կազմութեան 25 առ հարիւր փոփոխութեամբ, պայմանաւ որ բացառիկ ծրագիրը վայելում էր Կրթական Նախարարութեան վաւերացմանը: Ուստի հարկ էր լինելու պատրաստել ու ներկայացնել 25 Յուլիս 1959ին:

դպրոց ասելով նա հասկանում էր այն «ոչ կառավարական հաստատությունները, որոնք ամբողջովին եւ կամ մասնակի ձեւով կը զբաղին ուսմամբ եւ կրթութեամբ եւ ազատ կը պատրաստեն ազատ ասպարէզներու եւ կամ կը զբաղի ոեւէ տեսակի ընդհանուր կրթութեան գործով, առանց նկատի ունենալու հաստատութեան տիրոջ ազգութիւնը եւ կամ կազմակերպութիւնը, որուն կապուած է հաստատութիւնը»²²: Կրօնաբարոյական²³, ազգային դիմագիծ վտանգող շրջաբերականը նոր առաջադրանքի առաջ էր դրել ազգային մարմիններին: Յատուկ խորհրդակցական ժողովից յետոյ յարմար էին նկատել բանակցութիւններ սկսել պետական մարմինների հետ: Ժողովը յանգել էր յատուկ ուսումնասիրութեան, որով նախատեսւում էր հայ դպրոցների յատուկ ծրագրի պատրաստութիւնը²⁴: Վեցամեայ ծրագրով նախակրթաարմների համար արտօնւում էր «կրօնագիտութիւնը իբրեւ հայ եկեղեցու ծիսական լեզու եւ դասաւանդուելու էր հայերէն լեզուով»²⁵:

1963-1964թթ. կրթական նախարարութիւնը եւս հաստատում էր շրջաբերականով թէ հայերէն լեզուի ուսուցումը չէր արգելւում, սակայն «հայ մշակոյթի անուան տակ ուսուցիչները այլ նպատակներ էին հետապնդում, միաժամանակ չգործածելով արաբերէն ծրագիրը»²⁶: Սա պատրուակ էր, որով ձգտում էին կրթօճախների պետականացմանը:

Պետական ծրագրի մերմուծումն ու որդեգրումը ունենում է դրական ու բացասական անդրադարձ: Սահմանուած կարգափոխութեան օրէնքով ուսանողութեան մտքում արմատանում է, թէ առաջնակարգ կարեւորութիւն ներկայացնող լեզուն արաբերէնն է, որը իւրացնում էին ամէն գնով²⁷:

Յիսունական թուականների կէսին տիրող տնտեսական, ընկերային վիճակից սկիզբ է առնում արտագաղթ դէպի Արեւմտեան Եւրոպա եւ Միացեալ Նահանգներ: Մեծ թուով երիտասարդների հոսքը մտահոգել էր մտաւորական-

²² Բերիոյ Թեմի Ա. Ա. Թղծ. /Դարան Բ. գործ 50/:

²³ Որոշումնագիրը չէր միտեր բացարձակ արաբերէն լեզուի ուսուցմանը, իբրեւ սոսկ լեզու, այլ շեշտում էր դասա-միւթերի արաբերէն լեզուով պարտաւորիչ դասաւանդմանը:

²⁴ Չոլագեան Յ. «Յուշամատեն» էջ 179.

²⁵ 29 Յուլիս 1959 թուակիր եւ 245/7 նախարարական հրահանգով արտօնւում էր հայերէն լեզուով Կրօնի ուսուցումը, իբրեւ ծիսական լեզու: Չոլագեան, նոյն տեղում, էջ 179.

²⁶ Չոլագեան Յ. էջ 204.

²⁷ Նոյն տեղում էջ 152.

ներին, քանզի կատարուածը «այլասերման եւ ուծացման վտանգ էր», սրանով հայ երիտասարդը հեռանում էր ոչ թէ արաքահայութիւնից, այլ հայկականութիւնից: Հակառակ կատարուած զոհողութիւններն երեւոյթը շարունակուեւ է 1960ական թուականներից ցայսօր: 1967թ. առաքուած յանձնարարագրով Կրթական Նախարարութիւնը հաստատում էր պետական տնօրէնների նշանակումը սեփականատէր տնօրէնութեան կողքին եւ հայերէն լեզուի դասապահների առաւել նուաճումը²⁸: Յատուկ հրամանագրով թելադրուեւ էր մասնաւոր դպրոցների անուանական փոփոխութիւնը: Վերոյիշեալ հրամանագրի պատշաճ բանաձեւը սահմանել էր շաբաթական 40 պահ հայոց լեզուի եւ կրօնագիտութեան դասաւանդում նախակրթարանի, իսկ 24 պահ երկրորդականի «իւրաքանչիւրի նախատեսուել էր չորս պահ հայերէն եւ երկուսը կրօնի համար»: 1967թ. օրէնք-հրամանագրի հրապարակումով ոչ հայկական դպրոցների ղեկավարների ընթոստութիւնը յոյժ վտագաւոր կացութիւն էր ստեղծել, որը յանգել էր պետական հարմանագրով մի շարք վարժարանների փակման: Այդպիսին էր կաթողիկէ համայքի վարժարանների պարագան: Սակայն շնորհիւ կանխատեսուած պետական տրամադրութիւնների՝ Առաքելական եկեղեցու վարժարանները զերծ են միւում փակման հրամանագրից եւ շարունակում են գոյտեւել մինչեւ օրս: 966-1967թթ. հայոց ընդհանուր վարժարանների թիւն էր 59,17940 աշակերտութեամբ²⁹:

Եզրակացնելով՝ Սիրիայի գաղթօճախի հանրակրթական վարժարանները իրենց ծագման օրից օգտուել են ներքին ինքնավարութեան իրաւունքից: Դա արտայայտուեւ էր նրանով, որ հայկական վարժարանները առաջնորդուել են սեփական ուսումնական ծրագրով, իսկ ուսուցման հիմքը եղել է հայոց լեզուն:

Վարժարանները կառուցել ու պահպանել են ծխականների միջոցներով եւ հանդիսացել գաղութի սեփականութիւնը ի դէմս տեղաակն մարմիններին: Նրանց ղեկավարութիւնը իրագործել է դպրոցական հոգաբարձութիւնը, որը ընտրուած է եղել թեմական կամ համայնքի խորհրդի կողմից:

Սիրիական սահմանադրութիւնը, թէւ սահմանափակ ձեւով, երաշխաւոր է հաղիսացել ազգային վարժարանների գոյութեանը վերականգնելով գաղութի

²⁸ «Ձարթօնք» 22 Հոկտեմբեր 1967, էջ ք. /թիւ 127 օրէնք- հրամանագրի՝ «մերսում»ի հրապարակումը նոր իրաւակարգի առաջ էր դրել հայկական դպրոցների պետելը/.

²⁹ «Ձարթօնք» 22 Հոկտեմբեր 1967.

իրաւունքները վարժարանների վերաբերեալ: Սակայն տարրական ու երկրորդական վարժարաններում սուրիական կրթական նախարարութեան ծրագրի ներմուծմամբ ուսուցման հիմք էր դարձել պետականը եւ լեզուն արաբերէնը: Ծրագրից դուրս էր մնացել հայերէն լեզուի եւ կրօնի ուսուցումը, մինչեւ 1967թ.: Այդ երկուսը, այսպիսով, մտնում էին ոչ պարտադրականների շարքը:

1967թ. թեմական խորհրդի եւ յառաջդիմական ճակատի միջնորդութեամբ կրօնը ճանաչուեց որպէս պարտադիր առարկայ³⁰, բայց հայոց լեզուն մինչեւ օրս նման ճանաչում չի ունեցել: Այնուամենայնիւ, նախարարութիւնը պատասխանատու էր պետական ծրագրի հետապնդման, իսկ թեմական մարմինները իրենց վրայ էին վերցրել վարժարանների նիւթական պահպանումն ու ամրապնդումն, դպրոցական նոր շէնքի կառուցմանը բոլոր հոգսերը: Բայց սեփականատիրական իրաւունքի տեսակետից վարժարանները գաղութի ազգային հիմնարկներն էին:

Վերջին տասնամեակներին գաղութի ազգային հաստատութիւնները դիմագրաւում են նոր տագնապներ: 1981-1982թթ. Կրթական նախարարութեան կողմից առաքուած կարգափոխութեան օրէնքը մի անգամ եւս ցնցում է գաղութի բոլոր վարժարանների պատասխանատու մարմիններին: Օրէնքը միտում էր միջնակարգի աւարտական տարիքային հարց սահմանել եւ նախարարութեան կողմից ճշդուած գնահատականի ճանապարհով սահմանափակել երկրորդական բաժանումները գրանցուող աշակերտների թուաքանակը³¹: Վերոյիշեալ պայմանները չիրականացնելու դէպքում անհատը զրկւում էր ոչ միայն հայկական վարժարան յաճախելու, այլ ստիպողաբար, հեռանում էր հայեցի միջավայրից ու մթնոլորտից: այդպիսին է եղել արհեստի ու արուեստի բաժանումները հետեւող երկրորդական աշակերտներին պարագան:

³⁰ Բերիոյ Թեմի Ա Ա. Թղծ. /Դարան Բ. գործ 55, 9- Սեպտեմբեր-1967 թուակիր Մամակի պատճէն:

³¹ Առաքուած օրէնքում միջնակարգի պետական քննութեանց մասնակցող աշակերտը հարկ էր ապահովել, տար-իքային սահմանափակման կողքին, նախարարութեան կողմից սահմանուած գումարը / Յաջողութեան ճշդուած գումարի նուազագոյն չափանիշն էր 201/390ից/: Հապահովելու դէպքում անհատը զրկւում է հայկական երկրորդական վարժարան յաճախելու: Իսկ երկրորդականի աշակերտների պետական քննութիւնների գնահատականի հիմամբ, նախարարութեան կողմից, ճշդուած էր անհատի հաճախարան ընդունման հարցը:

Հայկական վարժարանները նրանց մի շարք առաելութիւնների կողքին վերջին տասնամեակին կարողացան ընդլայնել մասնագիտական ճիւղաւումը: Սասնաւոր վարժարաններից երկրորդական բաժնի ծրագրում ներառուեց, գիտականի կողքին, գրականը, որ երկու տարիով կարող էր հետեւել եւ ստանալ համապատասխան վկայական:

Վերջին տարիների ընթացքում ուսումնական խորհրդի կողմից բազմաթիւ միջոցներ են կատարուել վարժարանների վիճակը կարգաւորելու, աշակերտների թիւը աւելացնելու, կրթական մակարդակը բարձրացնելու, հայեցի դաստիարակութիւնը ամրապնդելու եւ տնտեսական վիճակը բարելաւելու նպատակով: Հրատարակուել է հայոց լեզուի դասագիրք մասնագէտ ուսուցիչների կողմից: Չեմնարկել է մանկապատանեկան հանդէս «Յուլքեր»:

Զգալի փոփոխութիւններ են կատարուել նաեւ հայկական վարժարանների դասաւանդող ուսուցիչների կրթական մակարդակում: Ներկայիս պետական սահմանուած օրէնքով ուսուցչութեան ընդունման պայմաններից է նուազագոյն պետական պաքալորիայի վկայականը:

Սիրահայ վարժարաններում անցկացւում են զանազան մշակութային միջոցառումներ, որոնք կոչուած են պահպանելու հայերի, յատկապէս աճող սերնդի ազգային նկարագրիւ: Այսպէս տարբեր մրցոյթներ հայոց լեզուի եւ հայ ժողովուրդի պատմութեան վերաբերեալ, հանդիպումներ Հայստանից ժամանած հիւրերի հետ, նշում են հայկական տօներ եւ այլն:

Հայ դպրոցը, ինչպէս իր դարաւոր պատմութեան ընթացքում, այնպէս էլ ժամանակակից փուլում, բացառիկ դեր է կատարում հայ ժողովրդի գոյատեւման, մասնաւորապէս սփիւռքահայութեանը սպառնացող ծոււման եւ ուժացման դէմ մղող պայքարում, քանզի հայ դպրոցն ու դաստիարակութիւնը մի հզօր ուժ են հայոց լեզուն, գրականութիւնը, դարաւոր մշակոյթը, ազգային դէմքը պահպանելու համար: